

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-1429-2/19. od 07.10.2019.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa vd Direktorica Mr. Edisa Kanlić (u daljem tekstu: Ugovorni organ)

2. **JAVNA USTANOVA „ZAVOD ZA JAVNO ZDRAVSTVO KANTONA SARAJEVO“**, ul. Mustafe Pintola br. 1., Ilidža-Sarajevo, registrovan kod Općinskog suda u Sarajevu, matični broj subjekta upisa: 65-05-0011-14 (stari broj 3-15), identifikacijski broj kod Porezne uprave FBiH Kantonalni ured Sarajevo 4200329950003, koga zastupa Direktorica Prof.dr.med.sci. Aida Pilav (u daljem tekstu: Vršilac usluga),

Dana 07.10.2019.godine, zaključuju

UGOVOR O IZVRŠENJU USLUGA

Član 1.

Izvršilac usluga se obavezuje da za zaposlenike Ugovornog organa, organizuje Kurs za sticanje znanja o higijeni životnih namirnica, sirovina namijenjenih za proizvodnju životnih namirnica i predmeta opšte upotrebe i o ličnoj higijeni (Kurs sanitarnog minimuma), a u skladu sa svojom Ponudom broj: 05.12.101-6044/19 od 04.10.2019.godine i zahtjevom Ugovornog organa, broj: 13-1429-1/19 od 30.09.2019.godine, koji čine sastavni dio ovog Ugovora.

Član 2.

Cijena predmetnih ugovorenih usluga iznosi **50,00 KM, po jednom polazniku.**

Kursom će biti obuhvaćeno 36 zaposlenika Ugovornog organa, tako da ukupna vrijednost ovog Ugovora iznosi **1.800,00 KM.**

Član 3.

Usluge koje su predmet ovog Ugovora, Izvršilac usluga će obaviti prema Programu iz Pravilnika o načinu i obimu sticanja potrebnih znanja o higijeni životnih namirnica, sirovina namijenjenih za proizvodnju životnih namirnica i predmeta opšte upotrebe i o ličnoj higijeni („Službeni list RBiH broj: 30/88).

Ugovorene usluge će obuhvatiti organizovanje Kurasa za ukupno 49 zaposlenika Ugovornog organa, i to:

- 11 zaposlenika Službe ishrane (1 glavni kuhar, 2 kuhara, 2 kafe kuharice i 6 servirki),
- 17 zaposlenika Službe servisnih usluga (11 spremačica, 4 vešerice i 2 frizera-brijača) i
- 8 zaposlenika Službe zdravstvene zaštite (8 njegovateljica).

Ugovorni organ se obavezuje da spisak zaposlenika – polaznika Kurasa i ime i broj telefona osobe ovlaštene za kontakt, sa kojom će stručni zaposlenici Izvršioca usluga utvrđivati vrijeme, vrstu i količinu ugovorenih poslova, dostavi Izvršiocu usluga odmah nakon obostranog potpisivanja ovog Ugovora.

Član 4.

Ugovorne strane su saglasne da Izvršilac usluga sa izvršenjem ugovorenih obaveza započne odmah nakon obostranog potpisivanja ovog Ugovora i da sve obaveze koje proističu iz istog završi najkasnije u roku od 30 dana.

Ukoliko u toku izvršenja ovog Ugovora nastupe okolnosti koje se u vrijeme zaključenja nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Vršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

Član 5.

Ugovorne strane su saglasne da Kurs sanitarnog minimuma Izvršilac usluga obavi u prostorijama Ugovornog organa, uz prethodni dogovor sa osobom ovlaštenom za kontakt, vodeći računa da se što manje remeti proces rada službi Ugovornog organa.

Ugovorne strane su saglasne da se Kurs održi prema osnovnom Programu, u trajanju od 20 nastavnih sati i da obuhvati upoznavanje polaznika Kurasa sa potrebnim znanjima o higijeni namirnica, sirovina i predmeta, o ličnoj higijeni, kao i pravilnoj primjeni stečenog znanja iz programa koji obuhvata: ličnu higijenu, osnovne pojmove o širenju i sprječavanju zaraznih bolesti, trovanju hranom, higijeni namirnica i predmeta, prostorija za proizvodnju, čuvanje i stavljanje u promet namirnica i predmeta, higijeni okoline, važnije sanitarne propise i osnove pružanja prve pomoći.

Izvršilac usluga se obavezuje da za predavanja angažuje stručni tim u sastavu: specijalista higijene ili epidemiologije, sanitarni inspektor i najmanje jedan zdravstveni radnik koordinator i voditelj Kurasa.

Član 6.

Izvršilac usluga se obavezuje da nakon završenog Kurasa za polaznike Kurasa organizuje provjeru znanja od strane Komisije od tri člana.

Nakon izvršene provjere znanja, svakom polazniku Kurasa koji je postigao uspjeh na provjeri znanja, Izvršilac usluga izdaje potvrdu o završenoj provjeri znanja, na propisanom obrascu.

Član 7.

Ugovorne strane se obavezuju na pridržavanje zakonskih i podzakonskih propisa, čuvanja poslovne tajnosti, pridržavanja poslovnih običaja, te zaštitu ličnih podataka zaposlenika Ugovornog organa.

Član 8.

Ugovorni organ se obavezuje da plaćanje Izvršiocu usluga po ovom Ugovoru izvrši putem njegovog računa, otvorenog kod UniCredit bank dd Sarajevo, broj 3389002208131096, i to najkasnije u roku od 60 dana od dana prijema fakture.

Plaćanje će se izvršiti u KM.

Član 9.

Ugovorne strane mogu ovaj Ugovor raskinuti pismenim putem i prije njegovog isteka, ukoliko se neka od ugovornih strana ne bude pridržavala njegovih odredaba, uz prethodno izmirenje svih obaveza nastalih po osnovu ovog Ugovora.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 10.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 11.

Eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 12.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

